



Deklarasaun Yangon

Deklarasaun

Juventude Sudeste

Asiatiku

(Aprova durante AYF 2014 iha Yangon, Myanmar)

Komunidade ida! Estratejia ida! Juventude Unidade!

Ami, juventude husi Sudeste Asiatiku aspira promosaun ne'ebe hanesan la ho -diskriminasaun, igualidade, dame, protesau, sustentabilidade, no dezenvolvimentu inklusivu husi comunidade Sudeste Asiatiku ne'ebe iha akordu ho prinsipius no valores ba direitus umanos, demokrasia, justisa no liberdade iha aspetu hotu-hotu iha ita nia moris.

Ami, Juventude Sudeste Asiatiku, fiar no bolu hodi kria sustentabilidade baseia ba direitu, inklusivu, sentru ba ema, no joven adolescente iha comunidade rejional.

Ami, juventude Sudeste Asiatiku, fiar no bolu ba asaun afirmativu husi ita nia ukun-nain sira iha nasaun Sudeste Asiatiku hodi kria ambiente ida ne'ebe favoravel iha nivel rejional, nasional, no lokal hodi atende nesidades, atende aspirasaun husi joven sira no garante agenda ida ba dezenvolvimento pos-2015 hodi hakuak no hamaluk juventude iha rejiaun.

Hodi atinje ita nia vizaun, ho pedidu forte:

1. Rekoñesimentu total ba Fórum Juventude Sudeste Asiatiku (AYF) hanesan movimentu rejional iha base juventude, autonomu no independente ne'ebe representa juventude Sudeste Asiatiku nia lian, no mos hodi observa no evalua implementasaun politikas, agenda no rekomendasaun relasiona ho juventude;
2. Facilitasaun no intergrasaun husi abordajen inklusivu, assesivel, la-ho diskriminasaun, bazeia ba nesidade, bazeia ba evidencia, no mos sentru husi direitus umanos ba edukasaun formal no la-ho formal.
3. Reforma imediata no revogasaun ba politikas no leis ne'ebe kriminaliza no diskrimina indiretamente joven sira bazeia ba sira nia opiniaun no status politika, SOGIE (Orientasaun Sexual, Identidade no Expressaun ba Género), relijiaun, no status sosioekonomiku; no
4. Partisipasaun significativa husi juventude iha sektore hotu, no mos ênfase husi grupu juventude vulneravel inklui mos feto adolescente, comunidade LGBTI (Juventude ho orientasaun sexual diversa, identidade generu no mos expressaun generu), ema ho defisiensia, povu indijenas, relijiaun minoridades, migrantes, ema la-ho sidadaun, ema sira ne'ebe hela iha pobreza, linguajem minoridade, feto, labarik feto isin-rua sedu, labarik sira, ema sira ne'ebe moris iha kontekstu funu no humanitariu, profissaun sexu, ema moris ho HIV no AIDS, desistentes, sira ne'ebe uza drogas no sira ne'ebe disloka internamente; ho konsulta demokratika genuinu, alokasaun finanseiru ne'ebe suficiente no fornese rekursu sira seluk ba protesau kona-ba direitus hanesan expressaun liberdade no mos reuniaun;
5. Asaun imediata hodi aborda no servisu totalmente ho juventude sira iha problema hanesan tuir mai ne'e:



Papel husi juventude no impaktu ba dame no rekonsiliasaun:

- Kria no apoia dialogu ho dame hamutuk ho governu no parte relevantes sira;
- Kria edukasaun ba dame ne'ebe foka ba juventude iha kurikulum no programa alternativu hodi hari'i dame;
- Fornese espasu seguru ba joven sira no halibur sira signifkamente no esforsu sira iha hari'i dame hanesan dialogus inter-relijiosus no interkambiu kulturais iha comunidade, niveis nasionais no rejional espesifikamente iha area konfliktu; no
- Fornese protesau ba joven sira ne'ebe impaktu husi konfliktu.

–Governansia diak, Demokrasia, no Liberdade ba espresaun:

- Reforma no reforsa instituisaun governamentais ba juventude existentes no polikas ba juventude hodi garantia partisipasaun masimu husi joven sira iha nivel hotu-hotu iha implementasaun polika;
- Hare'e fila-fali no hasai leis no polika sira ne'ebe kontra prinsipiu baziku ba demokrasia no direitus umanus ba joven sira hodi promove eleisaun livre, justu no pasifika, liu husi media komunikaun livre, transparensia, responsabilidade hodi asesu ba informasaun; no
- Kapasita instituisaun rejionais ezistente sira hodi garante promosaun no protesau ba direitus juventude iha Sudeste Asiatiku hodi aseita no apoiu ba Karta ba Juventude rejional.

– Garante servisu diak no Sustenta ba Juventude and Sudeste Asiatiku:

- Implementa, monitoriza no evalua polikas empregu nasionais transparente, kolegas jovens, bazeia ba direitus no evidensia ne'ebe servisu desente ba juventude Sudeste Asiatiku hodi adere ba pradaun ba Organizaun Internasional ba Servisu (ILO) ne'ebe estavel, seguru, protejidu, la-ho diskriminasaun, no oferese salariu desente no oportunidades ba dezvoltimentu iha kareira;
- Prioritiza kampu servisu hodi dezvoltolve traballadores kualidades no hasa'e investimentu inklui iha setor privadu liu husi programa ne'ebe fomite empreendedorismu joven no fornese oportunidade hodi fo estajiu ba juventude sira hanesan dalan ida hodi treinu sira, kotinua edukasaun profesional, ho formal, la formal, no la-ho formal, akonsellamentu ba empregu, oferese protesau social, orientasaun, kompartilla koñesimentu ba Juventude iha Sudeste Asiatiku hodi bele hetan no asesu ba informasaun nesasariu no abilidade hodi asesu ba oportunidade servisu;
- Investe iha konstrusaun hodi aumenta motivaun juventude sira. Se hanesan ne'e, bele ajuda joven sira hodi kria ambiente ida ne'ebe propriu hodi nune'e joven sira bele participa iha faze halo desizaun ba sira nia vida-moris no mos futuru;
- Asegura asesu umanu no igualidade ba iha servisu ne'ebe desente no livre husi diskriminasaun, respeita diversidade, no promove dezvoltimentu umano ba joven sira hotu, inklui joven vulneravel no mos migrante sira. Sudeste Asiatiku mos presiza elimina prekonseitus jeneru iha setor hotu-hotu no mos iha nivel traballo;
- Implementa no kumpri regulamentu politika ne'ebe aborda diskriminasaun ba juventude iha merkadu servisu.



–Kualidade Edukasaun ba Juventude Sudeste Asiatiku:

- Identifika no dezenvolve estrutra relevante ida hodi padroniza programa edukasaun bazeia ba direitu (formal, la-formal, no la-ho formal) ne'ebe dezeñu ba no ho juventude sira. Tenke mos asegura kualidade dosente sira, infraestrutura, materiais no facilidades hodi hanorin;
- Aloka no distribui finansiamentu ne'ebe hanesan hodi garante edukasaun ida ne'ebe la-ho diskriminasaun no kualidade edukasaun ne'ebe konsentra iha empoderamentu hodi hasa'e joven sira nia kapasidade; no
- Estabelese polítika rejional hodi ezize edukasaun gratuita, ne'ebe asesivel no disponivel ba ema hotu.

–Kapasita juventude sira nia direitus iha saúde reprodutivu sexual (Jeneru, sexualidade, asesu ba saúde, no edukasaun sexual abragente):

- Fornese asesu totalmente ba juventude sira iha saúde reprodutiva sexual ba se deit iha rejiaun inklui komunidadade LGBTIQ, traballadores joven migrante- feto no mane, joven sira ne'ebe laiha sidadaun ou refugiadus, joven sira ne'ebe servisu ba sexual feto, mane, transjenerus, transsexuais; no
- Fornese informasaun no edukasaun abragentes ho baze tuir joven sira nia direitu. Estratejia hodi hanorin tenke iha diferensia no flexivel hodi atende nesidades diferente husi estudante feto no mane, konsidera mos faktore ba sira ne'ebe iha nesidade espesial – hanesan joven sira ne'ebe la atende eskola ou joven feto kaben-nain – sira prezisa aprende kona-ba sexualidade liu husi metodu edukasaun seluk ne'ebe la-os formal.

–Juventude iha Migrasaun: Garantia seguransa, Liberdade, no sira nia direitu (trafku, refujiadus, la-ho sidadaun, no traballadores migrantes):

- Implementa kurikulum formal iha edukasaun ne'ebe enfatiza iha historia sentral husi ema, direitus umanus, migrasaun no apresiasun no valoriza kultura;
- Garente no fo asesu totalmente ba juventude migrantes sira iha nivel hotu-hotu husi formal, bazeia ba abilidade, la – formal no edukasaun la-ho formal;
- Dezenvolve no implementa polítika ne'ebe promove no proteje juventude migrantes sira nia direitus no liberdade espesialmente sira ne'ebe laiha dokumentasaun, la-ho sidadaun, no sira ne'ebe buka asilu; no
- Ratifika imediatamente konvensaun traballadores internacionais no direitus umanus ne'ebe afeita direitamente ba juventude migrante sira.

–Aktualiza no fó manutensaun iha ambiente rejional (determinasaun, preservaun iha sabedoria lokal no kultura indíjena):

- Fasilita no apoiu juventude sira nia insiativa iha programa verde ne'ebe iha objektivu hodi aborda kestaun ambiente iha lokal no iha transnasionais;



- Rekoñese no defende justisa ambiente hodi hetan tratamentu justu no envolvimentu significatiu husi juventude sira ho respeito ba desenvolvimentu, implementasaun, no aplikasaun ba leis, regulamentus, no polítika hodi garante ambiente saudavel hodi aprende, moris no servisu;
- Garante transparensia, responsabilidade no direitu hodi asesu ba informasaun iha lokal, rejional no desenvolvomentu planu transnacional;
- Involve juventude sira iha formas konsultasaun hotu-hotu no prosesu halo desizaun hodi garante ambiente sustentavel no saudavel; no
- Mellora preparasaun ba iha risku dezastre ba juventude sira.

Ami, juventude Sudestede Asiatiku, presiza iha liberdade hodi asesu informasaun iha espasu lokal, nasional no rejional hodi lidera, identifika ami nia direitus, no impulsiona sentra iha comunidade Sudeste Asiatiku.

Juventude nia direitus hanesan DIREITUS

UMANUS FUNDAMENTAL!

Universidade Yangon, Yangon, Mianmar